



REPUBLIKA E SHQIPËRISË

**AUTORITETI I KOMUNIKIMEVE ELEKTRONIKE DHE POSTARE
KËSHILLI DREJTUES**

V E N D I M

Nr.82, datë 1.10.2018

Për

***“MIRATIMIN PËR KËSHILLIM PUBLIK TË DOKUMENTIT " RREGULLIMI I
TARIFAVE TË SIPËRMARRËSVE ME FNT NË TREGUN ME SHUMICË TË AKSESIT
DHE ORIGINIMIT TË SHËRBIMEVE CELULARE”***

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Ilir	Zela	Kryetar
2. Z. Alban	Karapici	Anëtar
3. Zj. Edlira	Dvorani	Anëtar
4. Zj. Ketrin	Topçiu	Anëtar
5. Zj. Klarina	Allushi	Anëtar

dhe sekretare Zj. _____, në mbledhjen e datës _____.2018, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, dhe Rregullore e Brendshme për Funksionimin e Këshillit Drejtues, miratuar me Vendimin Nr. 7, datë 16.02.2017 të Këshillit Drejtues të AKEP, shqyrtoi çështjen me objekt:

“Miratimin për këshillim publik të Dokumentit: " Rregullimi i tarifave të sipërmarrësve me FNT në tregun me shumicë të aksesit dhe origjinimit të shërbimeve celulare””

BAZA LIGJORE:

1. Neni 55 e në vijim i Kreut VI të ligjit nr. 9918, datë 19. 05. 2008 “Për Komunikimet Elektronike në Republikën e Shqipërisë” i ndryshuar (*ligji nr. 9918*);
2. Rregullore Nr.9 “Për Analizën e Tregut”, miratuar me VKD nr.747, date 17.07.2009, e ndryshuar.
3. Vendimi Nr.78 datë 1.10.2018 “*Miratimi i dokumentit: “Analizë e tregut celular: tregu me shumicë i aksesit dhe origjinimit: tregjet me shumicë të terminimit të thirrjeve ndërkombëtare dhe tregu me pakicë i shërbimeve celulare - Dokumenti Përfundimtar”*”;

K Ë SHILLI DREJTUES:

Nga shqyrtimi i materialit shkresor:

- Dokumenti: " Rregullimi i tarifave të sipërmarrësve me FNT në tregun me shumicë të aksesit dhe origjinimit të shërbimeve celulare "– Këshillim Publik" (Dokumenti);
- Relacioni shoqërues i projekt vendimit (Relacioni);
- Projekt akti miratues (Projektvendimi);

si dhe diskutimeve në mbledhje mbi çështjen, si dhe duke iu referuar bazës ligjore të sipërcituar:

V Ë R E N:

1. Këshilli Drejtues i AKEP me vendimin Nr.16, datë 22.02.2018, miratoi nxjerrjen në këshillim publik të dokumentit "Analizë e tregut celular: tregu me shumicë i aksesit dhe origjinimit; tregjet me shumicë të terminimit të thirrjeve ndërkombëtare dhe tregu me pakicë i shërbimeve celulare".
2. Dokumenti u publikua në faqen e Internetit të AKEP akep.al. Afati i këshillimit publik për dokumentin e Analizës së Tregut sipas Ligjit 9918 (neni 35) ishte periudha 60 ditore më 22.02.2018 – 26.04.2018.
3. Pas marrjes së komenteve finale të operatorëve dhe informacionit të cituar më sipër, AKEP me VKD Nr.78, datë 1.10.2018, miratoi dokumentin "Analizë e tregut celular: tregu me shumicë i aksesit dhe origjinimit; tregjet me shumicë të terminimit të thirrjeve ndërkombëtare dhe tregu me pakicë i shërbimeve celulare" - Dokumenti Përfundimtar".
4. Pas miratimit të dokumentit "Analizë e tregut celular: tregu me shumicë i aksesit dhe origjinimit; tregjet me shumicë të terminimit të thirrjeve ndërkombëtare dhe tregu me pakicë i shërbimeve celulare" - Dokumenti Përfundimtar", Këshilli Drejtues i AKEP, me Vendim Nr.79, datë 1.10.2018 vendosi përcaktimin e sipërmarrësit Vodafone Albania me Fuqi të Ndjeshme në Tregun përkatës: tregu me shumicë i aksesit dhe origjinimit.
5. Dokumenti " Rregullimi i tarifave të sipërmarrësve me FNT në tregun me shumicë të aksesit dhe origjinimit të shërbimeve celulare", do të nxirret për këshillim publik me palët e interesuara në përputhje me përcaktimet e nenit 56 e në vijim të Ligjit 9918, për të përcaktuar metodën e kontrollit të tarifave të terminimit të thirrjeve në rrjetet telefonike publike nga vendndodhje fikse të këtyre sipërmarrësve dhe specifikime të tjera të rregullimit të këtyre tarifave.
6. Dokumenti: " Rregullimi i tarifave të sipërmarrësve me FNT në tregun me shumicë të aksesit dhe origjinimit të shërbimeve celulare", është një dokument rregullator i rëndësishëm dhe vendimet që do merren nga Këshilli Drejtues i AKEP pas procesit të këshillimit publik, kanë një ndikim të rëndësishëm në tregun e komunikimeve elektronike në Shqipëri.

P Ë R K Ë T O A R S Y E:

Në mbështetje të pikës 1 të nenit 114 dhe pikës 1 të nenit 115 të ligjit nr. 9918, si dhe referuar bazës ligjore sa më sipër,

V E N D O S:

1. Të miratojë nxjerrjen për këshillim publik të dokumentit " *Rregullimi i tarifave të sipërmarrësve me FNT në tregun me shumicë të aksesit dhe origjinimit të shërbimeve celulare*", sipas dokumentit bashkëlidhur;
2. Procedura e këshillimit publik të jetë për një periudhë 30 ditore nga data e publikimit të dokumentit në faqen zyrtare të internetit të AKEP.
3. Ky Vendim dhe Dokumenti " *Rregullimi i tarifave të sipërmarrësve me FNT në tregun me shumicë të aksesit dhe origjinimit të shërbimeve celulare – Këshillim Publik*" të publikohen në faqen zyrtare të Internetit të AKEP www.akep.al

Ky vendim hyn në fuqi në datën e publikimit të tij.

K R Y E T A R

Ilir ZELA

ANËTARË:

1. Alban KARAPICI
2. Edlira DVORANI
3. Ketrin TOPÇIU
4. Klarina ALLUSHI